

REVIFORM d.o.o. SARAJEVO
REVIZIJA, RAČUNOVODSTVO I KONSALTING
Sarajevo, Đoke Mazalića 1
tel / fax (+ 387) 033 227 479 and 062 335 496
E- Mail: reviform@bih.net.ba

ID br. 4201676370005; PDV br. 201676370005

IZVJEŠTAJ O TRANSPARENTNOSTI ZA 2025. GODINU

SADRŽAJ

	Stranica
Uvod	3
1. Opis pravne forme i strukture vlasništva društva za reviziju	4
2. Opis mreže, kao i njeno pravno i strukturno uređenje, ukoliko društvo za reviziju pripada mreži	4
3. Opis upravljačke strukture društva za reviziju	4
Kvaliteta revizije	4
4. Opis sistema interne kontrole kvaliteta društva za reviziju	4
5. Eksterna provjera kvaliteta rada društva za reviziju	5
6. Popis subjekata od javnog interesa kod kojih je društvo za reviziju tokom prethodne poslovne godine izvršilo reviziju	6
7. Izjava koja se odnosi na procedure i nezavisnost rada društva za reviziju, kojom se potvrđuje da je obavljen interni pregled poštovanja zahtjeva nezavisnosti	6
8. Izjava o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora	7
9. Finansijske informacije i podaci o ukupnom prihodu, odnosno prihodu od obavljanja revizije i prihodu od usluga poreznog savjetovanja i drugih usluga koje nisu povezane sa revizijom	8
10. Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa	8
Izjava Uprave Društva	9

UVOD

Sukladno Članu 82. Stav 1. Zakona o računovodstvu i reviziji Federacije BiH (Službene novine FBiH broj 15/21), društvo za reviziju koje obavlja reviziju subjekta od javnog interesa u smislu Zakona o računovodstvu i reviziji FBiH (Sl. novine FBiH 15/21) dužno je da, u roku od četiri mjeseca od isteka kalendarske godine, objavi na svojoj internet stranici ili internet stranici Komore godišnji izvještaj o transparentnosti koji sadrži:

1. opis pravne forme i strukture vlasništva društva za reviziju;
2. opis mreže, kao i njeno pravno i strukturno uređenje, ukoliko društvo za reviziju pripada mreži;
3. opis upravljačke strukture društva za reviziju;
4. opis sistema interne kontrole kvaliteta društva za reviziju;
5. naznaku kada je izvršena posljednja provjera kvaliteta rada društva za reviziju;
6. popis subjekata od javnog interesa kod kojih je to društvo za reviziju tokom prethodne poslovne godine izvršilo reviziju;
7. izjavu koja se odnosi na procedure i nezavisnost rada društva za reviziju, kojom se potvrđuje da je obavljen interni pregled poštovanja zahtjeva nezavisnosti;
8. izjavu o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora;
9. finansijske informacije i podatke o ukupnom prihodu, odnosno prihodu od obavljanja revizije i prihodu od usluga poreznog savjetovanja i drugih usluga koje nisu povezane sa revizijom;
10. informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa.

Društvo Reviform d.o.o. Sarajevo, kao društvo koje obavlja zakonske revizije subjekata od javnog interesa, sastavilo je Izvještaj o transparentnosti za 2025. godinu i isti potpisuje direktorica Društva Alma Jahić.

1. Opis pravne forme i strukture vlasništva društva za reviziju

Društvo Reviform d.o.o. Sarajevo registrovano je kod Općinskog suda u Sarajevu dana 05.07.2011. godine Rješenjem broj: 065-0-Reg-11-001529, pod matičnim brojem 65-1-0589-11.

Društvo je registrovano za računovodstvene, knjigovodstvene, revizijske djelatnosti i porezno savjetovanje, te je razvrstano pod šifru djelatnosti 69.20 prema klasifikaciji djelatnosti Federalnog zavoda za statistiku.

Sjedište Društva je na adresi Đoke Mazalića 1, Sarajevo
ID broj: 4201676370005
PDV broj: 201676370005

Vlasnik društva u 100% iznosu je Suada Šljivo, ovlašteni revizor.

2. Opis mreže, kao i njeno pravno i strukturalno uređenje, ukoliko društvo za reviziju pripada mreži

Društvo ne pripada mreži povezanih društava za reviziju.

3. Opis upravljačke strukture društva za reviziju

U skladu sa Statutom, Društvom upravlja direktor. Od 18.01.2018. godine do dana sastavljanja ovog Izvještaja, lice ovlašteno za zastupanje društva Reviform d.o.o. Sarajevo je Alma Jahić, direktor sa ograničenjem ovlaštenja do 10.000,00 KM samostalno, a preko tog iznosa uz saglasnost osnivača Društva.

Revizorske izvještaje potpisuju ovlašteni revizori Suada Šljivo i Edin Mehić, a supotpisnik svakog izdatog revizorskog izvještaja je direktor Društva.

KVALITETA REVIZIJE

Kvaliteta revizije je osnov za održavanje povjerenja javnosti i ključno je mjerilo na kojem se temelji naša profesionalna reputacija. 'Kvalitetu revizije' definišemo kao ishod konzistentnog provođenja revizije, u skladu sa zahtjevima i namjerom primjenjivih profesionalnih standarda, unutar jakog sistema kontrole kvaliteta. Sve naše vezane aktivnosti provode se uz najveći nivo objektivnosti, nezavisnosti, etičnosti i integriteta.

4. Opis sistema interne kontrole kvaliteta društva za reviziju

Vodstvo i jasan skup vrijednosti i ponašanja ključni su za postavljanje okvira kvalitete. Međutim, njih treba poduprijeti sistem kontrole kvalitete koji nas drži odgovornima da ispunimo najviše profesionalne standarde.

Društvo je usvojilo internu politiku kontrole kvaliteta u skladu sa standardima koje je izdala Međunarodna federacija računovođa (IFAC), uključujući i Međunarodni standard upravljanja kvalitetom 1 (ISQM 1) i Međunarodnim revizorskim standardima (MREVS).

Međunarodni standard upravljanja kvalitetom (ISQM 1) stavlja fokus na kvalitetu revizijskih usluga i uvodi proces upravljanja rizicima u vezi s kvalitetom, s ciljem da sve revizijske firme postave kvalitet kao prioritet prilikom obavljanja revizijskih angažmana. Ovaj standard se temelji na principima, s naglaskom na skalabilnost, fleksibilnost i kontinuirano unapređenje.

Primjenjujemo i smjernice koje je izdala Revizorska komora FBiH, nadležno strukovno tijelo, poštujući pravilnik o minimalnom sadržaju radne dokumentacije. U tom smislu, sistem internih kontrola Društva uspostavljen je na način da pruži razumno uvjerenje da Društvo i zaposlenici posluju i ponašaju se u skladu sa profesionalnim standardima, standardima struke, zakonskim propisima i da dato mišljenje u izvještaju o obavljenoj reviziji finansijskih izvještaja odgovara datim okolnostima.

Shodno navedenom, usvojeni okvir za upravljanje kvalitetom se permanentno unapređuje kako bi se dosljedno provodile revizije visokog kvaliteta i ocjenjivala učinkovitost sistema na godišnjem nivou, te osiguralo da je svaki uposlenik Reviforma odgovoran za isporuku. 'Realizovati i siporučiti kvalitetne angažmane' na prvom je mjestu zajedno sa našom obavezom kontinuiranog nadzora i ispravke procesa ukoliko je potrebno.

5. Eksterna provjera kvaliteta rada društva za reviziju

Društvo je na zahtjev Revizorske komore FBiH, a u skladu sa članom 83. Zakona o računovodstvu i reviziji FBiH, za svaku godinu uredno popunjavalo i predavalo, do kraja marta tekuće godine za prethodnu godinu, Godišnji upitnik odnosno Izvještaj sa podacima o:

- a) imaojima dionica i udjela u društvu za reviziju i podaci o sticanju i promjeni vlasnika dionica, odnosno udjela;
- b) ulaganjima-sticanju učešća u drugom pravnom licu;
- c) promjenama statuta ili osnivačkog akta;
- d) načinu izračunavanja osiguranja iz člana 58. st. (7), (8) i (9) Zakona i podaci o polisi osiguranja;
- e) zaposlenima, angažovanim revizorovim eksperima i licenciranim ovlaštenim revizorima koje društvo angažuje na drugi način;
- f) spisku svih ugovora o reviziji finansijskih izvještaja, po vrstama revizije, koje su društva za reviziju zaključili sa obveznicima revizije u izvještajnom periodu, kao i spisku svih ugovora o reviziji finansijskih izvještaja koji su raskinuti uz odgovarajuće obrazloženje, nezavisno od toga koja je strana raskinula ugovor;
- g) broju izvještaja o reviziji koje je potpisao svaki licencirani ovlašten revizor;
- h) ostvarenom prihodu u izvještajnom periodu.

Društvo nije bilo predmet direktne kontrole od strane Komisije za nadzor i kontrolu kvalitete rada Revizorske komore FBiH.

6. Popis subjekata od javnog interesa kod kojih je društvo za reviziju tokom prethodne poslovne godine izvršilo reviziju

U toku 2025. godine društvo Reviform d.o.o. Sarajevo izvršilo je reviziju sljedećih subjekata od javnog interesa:

- JU Bosansko narodno pozorište Zenica;
- JU Kulturno-sportski centar Vogošća;
- Standard Furniture Factory d.d. Sarajevo;
- UNIS - Udružena metalna industrija d.d. Sarajevo.

7. Izjava koja se odnosi na procedure i nezavisnost rada društva za reviziju, kojom se potvrđuje da je obavljen interni pregled poštovanja zahtjeva nezavisnosti

Direktor društva Reviform d.o.o. Sarajevo ovom Izjavom potvrđuje da je obavljen unutarnji pregled poštivanja zahtjeva o neovisnosti.

Reviform d.o.o. Sarajevo ima detaljne politike i procedure nezavisnosti koje sadržavaju zahtjeve IESBA etičkog kodeksa. Automatizirani alati koji se trebaju upotrijebiti za svaki budući angažman kako bi se identificirali mogući sukobi interesa ili problemi nezavisnosti, osiguravaju usklađenost s tim zahtjevima. Prema internim politikama i procedurama Društva zaposlenici ne smiju imati finansijske udjele i zabranjene finansijske odnose s klijentima za koje firma obavlja usluge izražavanja uvjerenja ili reviziju finansijskih izvještaja (termin „revizijski klijent“ uključuje i njegova povezana društva i podružnice), njihovim rukovoditeljima, direktorima i, gdje je to potrebno, značajnim vlasnicima. Svim zaposlenicima Društva zabranjeno je posjedovanje vrijednosnih papira bilo kojeg klijenta kojem Društvo pruža usluge revizije.

Poslovni odnosi/ dobavljači

Reviform ima uspostavljene politike i procedure dizajnirane da osiguraju da se poslovni odnosi s revizijskim klijentima održavaju u skladu s IESBA-inim etičkim kodeksom i drugim primjenjivim zahtjevima nezavisnosti, poput onih koje je proglasio SEC.

Proces potvrde nezavisnosti

Reviform ima specifične procedure za identifikaciju i procjenu nezavisnosti vezano za potencijalnog revizijskog klijenta koji je subjekt od javnog interesa; te procedure, koje se još nazivaju i procesom potvrde nezavisnosti, trebaju biti završene prije prihvatanja revizijskog angažmana za navedena društva.

Povrede nezavisnosti

Svi zaposlenici Društva dužni su prijaviti povredu nezavisnosti odmah nakon saznanja o postojanju iste. U slučaju neusklađenosti s politikama nezavisnosti društva, bilo da je povreda identificirana pregledom usklađenosti, osobno prijavljena ili na drugi način, zaposlenici podliježu procedurama disciplinskih politika. Sva kršenja zahtjeva IESBA Kodeksa ili drugih eksternih zahtjeva o nezavisnosti trebaju se prijaviti onima koji su zaduženi za upravljanje što je prije moguće.

Rotacija partnera i društva

Angažman partnera na revizijskim klijentima prema primjenjivim zakonima, regulativi i pravilima nezavisnosti i politikama Društva podložan je periodičnoj rotaciji. Ovime se ograničava broj godina koji određeni partneri mogu pružati usluge revizije određenom klijentu, nakon čega slijedi stanka u kojem ti partneri ne mogu: učestvovati u reviziji; biti zaduženi za kontrolu kvalitete revizije; konsultovati se s članovima tima ili klijentom vezano za tehnička i specifična industrijska pitanja; na bilo koji drugi način utjecati na ishod revizije; voditi ili koordinirati profesionalne usluge kod klijenta; nadgledati odnos firme s klijentom revizije; ili imati bilo kakvu drugu značajnu ili učestalu interakciju s višim rukovodstvom ili osobama zaduženim za upravljanje kod klijenta. Uprava Društva prati rotaciju voditelja revizijskih angažmana i vodimo računa o periodu rotacije kako bi mogli alocirati partnere s potrebnim znanjima i sposobnostima u svrhu održavanja stalnog nivoa kvalitete usluge našim klijentima.

Rotacija revizorskog društva

Reviform vrši reviziju subjekata od javnog interesa u skladu sa primjenjivim zakonima. U skladu sa Zakonom o računovodstvu i reviziji Federaciji Bosne i Hercegovine, Reviform revidira iste klijente maksimalno 7 godina uzastopno, uz dodatne tri godine pod uslovom da je izvršena rotacija revizora. U skladu sa Zakonom o računovodstvu i reviziji FBiH taj period iznosi maksimalno 7 uzastopnih godina, uz dodatne tri godine pod uslovom da je izvršena rotacija revizora. Nakon isteka navedenih perioda društvo prestaje sa revidiranjem tih klijenta.

Usklađenost sa zakonima, propisima i mjerama protiv mita i korupcije

Poštivanje zakona, propisa i standarda ključni je aspekt za sve u Reviformu. To konkretno znači da postoji nulta tolerancija prema mitu i korupciji. Zabranjujemo bilo kakvu povezanost s mitom – čak i u slučaju da je takvo ponašanje dozvoljeno i u skladu sa zakonskim odredbama. Također, ne tolerišemo nikakav oblik mita od trećih strana, uključujući naše klijente, dobavljače ili djelatnike javnih službi.

8. Izjava o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora

Osnovni moto kompanije je raditi po najvećim etičkim i profesionalnim standardima i stvoriti fer i poštene odnose sa klijentima, zaposlenicima i partnerima. Da bi ostvarilo navedene ciljeve Društvo teži stalnom razvoju svojih usluga, u promjenljivom poslovnom okruženju, kroz stalnu edukaciju svojih zaposlenih.

Direktor Društva Reviform d.o.o. Sarajevo ovim putem daje Izjavu da ovlašteni revizori koji su stalno zaposleni u Društvu, certificirane računovođe, kao i oni koji su u procesu sticanja ovih profesionalnih zvanja, prisustvuju raznim oblicima edukacija i seminara koje, u procesu kontinuirane profesionalne edukacije, vrše profesionalne organizacije čije programe rada odobrava i nadzire Savez računovođa, revizora i finansijskih radnika Federacije BiH, kao i seminarima u organizaciji Revizorske komore FBiH kao nezavisne profesionalne organizacije licenciranih ovlaštenih revizora i društava za reviziju koja posluju na teritoriji Federacije Bosne i Hercegovine.

Društvo poseban akcenat stavlja i potiče kontinuirano usavršavanje i kroz proces samoedukacije, koji podrazumijeva korištenje stručne literature koja je svim zaposlenicima na raspolaganju, a iz područja koja su usko vezana za djelatnost društva, kao i korištenje internetskih baza podataka, članaka i raznih

publikacija dostupnih kod različitih institucija i stručnih organizacija na temu struke i djelatnosti u kojima naši klijenti posluju.

9. Finansijske informacije i podaci o ukupnom prihodu, odnosno prihodu od obavljanja revizije i prihodu od usluga poreznog savjetovanja i drugih usluga koje nisu povezane sa revizijom

Društvo Reviform d.o.o. Sarajevo je u toku 2025. godine ostvarilo prihode u ukupnom iznosu od KM 389.003,11 kako slijedi:

VRSTA PRIHODA	IZNOS U KM
Prihodi od revizijskih usluga	195.282,04
Prihodi od računovodstvenih usluga	193.660,12
Ostali prihodi	60,95
UKUPNO:	389.003,11

10. Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa

Primanja ovlaštenih revizora koji potpisuju izvještaje o obavljenim revizijama subjekata od javnog interesa, kao i ostalim zaposlenicima Društva, regulisana su pojedinačnim ugovorima o radu. Jednom ovlaštenom revizoru, koji je ujedno i vlasnik Društva, isplaćuje se i naknada po osnovu ostvarene dobiti Društva.

IZJAVA UPRAVE DRUŠTVA

Svrha mjera i procedura koje služe kao temelj sistema za kontrolu kvalitete firme Reviform d.o.o. Sarajevo, opisanog u ovom Izvještaju, je pružanje razumnog stepena uvjerenja da su zakonske revizije provedene od strane naše kompanije u skladu s primjenjivim zakonima i propisima. Zbog svojih inherentnih ograničenja, sistem kontrole kvalitete nije namijenjen za pružanje apsolutne sigurnosti u to da će sve eventualne neusklađenosti s relevantnim zakonima i propisima biti spriječene ili otkrivene.

Uprava Društva razmotrila je sljedeće:

- Dizajn i djelovanje sistema kontrole kvalitete na način koji je opisan u ovom Izvještaju;
- Nalaze raznih programa usklađenosti provedene od strane naše kompanije.

Uzevši u obzir sve ove dokaze, Uprava društva Reviform d.o.o. Sarajevo potvrđuje s razumnim stepenom sigurnosti da su sistemi kontrole kvalitete u našoj kompaniji učinkovito djelovali u finansijskoj godini koja je završila 31. decembra 2025. godine.

Uprava društva Reviform d.o.o. Sarajevo potvrđuje da je interna kontrola usklađenosti s nezavisnošću unutar naše kompanije provedena u godini koja je završila 31. decembra 2025. godine.

Nadalje, uprava društva Reviform d.o.o. Sarajevo potvrđuje da su ovlašteni revizori zaposleni u Društvu bili usklađeni sa obavezama kontinuirane edukacije koju nalažu lokalni propisi.

Sarajevo, 27. april 2026.

Reviform d.o.o. Sarajevo
Alma Jahić, direktor

